



Broj: 02/06-04-012901-6-1/25

Datum: 24.06.2025. godine

Na osnovu člana 70. stav 1) Zakona o javnim nabavkama („Sl. glasnik BiH“, br. 39/14, 59/22 i 50/24), Sekretar Ureda za zajedničke poslove kantonalnih organa, donosi:

ODLUKU o izboru najpovoljnijeg ponuđača LOT 1

Član 1.

Prihvata se preporuka Komisije za javnu nabavku iz Zapisnika broj: 02/06-04-012901-5-1/25 od 18.06.2025. godine u postupku javne nabavke i isporuke energenata za zagrijavanje prostorija (LOT 1 – asortiman kocka), te se kao najpovoljniji ponuđač bira „**Erax-Invest d.o.o. Banovići**“, ponuda broj: 078-D/25 od 16.06.2025. godine za ponuđenu cijenu od **628.966,80 KM** (bez PDV-a) nakon održane e-aukcije.

Član 2.

Ponuda ponuđača „LD Company“ d.o.o. je odbačena kao nepravilna u skladu sa članom 68. stav (4) tačka i) Zakona o javnim nabavkama, jer nije potpuna i ne ispunjava zahtjeve iz tenderske dokumentacije.

Član 3.

Ukoliko se ispune svi uslovi propisani Zakonom o javnim nabavkama BiH, okvirni sporazum će se dostaviti na potpis izabranom ponuđaču po proteku roka od 15 dana, računajući od dana prijema odluke ugovornog organa o izboru najpovoljnijeg ponuđača. Okvirni sporazum se zaključuje na period od 12 mjeseci.

Član 4.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka nabavke broj: 02/06-04-012901/25 od 29.04.2025.godine.

Javna nabavka je provedena putem otvorenog postupka. Izbor ponuđača izvršen je na osnovu kriterija najniža cijena.

Procijenjena vrijednost javne nabavke za LOT 1 bila je 762.300,00 KM (bez PDV-a). Obavještenje o nabavci broj: 1116-1-1-16-3-32/25 objavljeno je na Portalu javnih nabavki 29.04.2025.godine.

Komisija za javnu nabavku imenovana izvršila je otvaranje ponuda dana 18.06.2025. godine. Nakon izvršenog vrednovanja, Komisija je ugovornom organu dostavila Zapisnik o ocjeni ponuda broj: 02/06-04-012901-5-1/25 od 18.06.2025. godine koji ujedno predstavlja

preporuku o izboru najpovoljnijeg ponuđača kao i izvještaj o radu komisije, u postupku predmetne javne nabavke.

Iz Zapisnika o ocjeni je utvrđeno da je Komisija za javnu nabavku blagovremeno i pravilno izvršila otvaranje pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 4 (četiri);
- da su blagovremeno zaprimljene 4 (četiri) ponude;
- da nema neblagovremeno zaprimljenih ponuda;
- da su ponude ponuđača: „Lumberjack“ d.o.o. Sarajevo, „Harmeli“ d.o.o. Banovići i „Erax-Invest“ d.o.o. Banovići prihvatljive i ispunjavaju sve uslove i zahtjeve iz tenderske dokumentacije.
- da je ponuda ponuđača „LD Company d.o.o.“ nepravilna, a pritom i odbačena, jer ne ispunjava uslove iz tenderske dokumentacije.

Ponuđač „LD Company d.o.o.“ je dostavio ponudu broj: 16-06/25 od 16.06.2025. godine za LOT 1, koja nije u skladu sa tačkom 15.3 Tenderske dokumentacije, gdje je navedeno: „*Ponuda se čvrsto uvezuje na način da se onemogući naknadno vađenje ili umetanje listova. Original i kopija ponude trebaju biti otkucani ili napisani neizbrisivom tintom. Svi listovi ponude moraju biti čvrsto uvezani sa numerisanim stranicama. Bitno je istaći da je suština čvrstog uvezivanja ponuda da se pokuša osigurati da se ponuda ne „rasipa“ odnosno da se stranice ponude ne mogu izvlačiti ili mijenjati. U skladu sa stavom Agencije za javne nabavke BiH pod čvrstim uvezom podrazumijeva se ponuda ukoričena u knjigu ili ponuda osigurana jamstvenikom. Pod čvrstim uvezom se ne podrazumijeva uvez spiralno, ponuda dostavljena u plastičnoj fascikli, uvezana klamericom ili neki sličan način koji omogućava nesmentano mijenjanje stranice ponude. U slučaju da ponuđač uveže ponudu na jedan od navedenih načina, uvez mora biti dodatno osiguran jamstvenikom. Što se tiče kopija ponude, navedene trebaju biti uvezane na način da osiguravaju da se listovi ponude ne rasipaju (kao što je naprijed navedeno) te obzirom da se radi o kopiji ponude nije potrebno osiguranje jamstvenikom. Ako je ponuda izrađena u dva ili više dijelova, svaki dio se čvrsto uvezuje na način da se onemogući naknadno vađenje ili umetanje listova*“. Naime, navedeni ponuđač je dostavio ponudu koja nije čvrsto uvezana, već je uvezana spiralnim uvezom i nije osigurana jamstvenikom na pravilan način. Jamstvenikom su obuhvaćene samo pojedine stranice ponude koje se odnose na Aneks II, a što omogućava rasipanje ponude, kao i izvlačenje stranica iz ponude, što nije u skladu sa uvjetima iz tenderske dokumentacije, kao ni sa članom 8. Uputstva za pripremu modela tenderske dokumentacije i ponuda („Službeni glasnik BiH“, broj 90/14 i 20/15).

Uvidom u ponudu navedenog ponuđača ustanovljeno je da Garancija za ozbiljnost nije upakovana na propisan način, kako je definirano tačkom 26.5 Tenderske dokumentacije kako slijedi: „*Garancija za ozbiljnost ponude se dostavlja u originalu, u zatvorenoj plastičnoj foliji (koja se npr. na vrhu zalijepi naljepnicom na kojoj je stavljen pečat ponuđača ili se otvor na foliji zatvori jamstvenikom, a na mjesto vezivanja zalijepi naljepnica i otisne pečat ponuđača) i uvezana u cjelinu čini sastavni dio ponude. Garancija ne smije biti ni na koji način oštećena (bušenjem i sl.) jer probušena ili oštećena garancija se ne može naplatiti. Ukoliko garancija za ozbiljnost ponude nije dostavljena na propisan način, ugovorni organ će takvu ponudu odbaciti*“. Isti navodi propisani su i Pravilnikom o formi garancije za ozbiljnost ponude i izvršenje ugovora („Službeni glasnik BiH“, broj 90/14) u članu 3. stav 1. i 3.

Garancija za ozbiljnost ponude navedenog ponuđača dostavljena je u plastičnoj foliji koja nije zatvorena, niti je na vrhu zalijepljena naljepnicom sa pečatom ponuđača, niti je otvor na foliji zatvoren jamstvenikom, niti je na mjesto vezivanja zalijepljena naljepnica sa otisnutim pečatom ponuđača. Dakle, zbog prethodno navedenog nije postupljeno prema odredbama tenderske dokumentacije, pri čemu je ponuda odbačena u skladu sa članom 68. stav (4) tačke i) ZJN jer nije potpuna i ne ispunjava zahtjeve iz tenderske dokumentacije.

Obzirom da je održavanje e-aukcije bilo predviđeno tenderskom dokumentacijom, Komisija je zakazala e-aukcije dana 23.06.2025.godine u 09:30 sati.

Nakon što je na portalu javnih nabavki kreiran Izvještaj o toku i završetku e-aukcije dana 23.06.2025.godine, kreirana je i konačna rang lista ponuđača, koji su učestvovali na e-aukciji, prema kriteriju najniže ponudene cijene:

Redni broj	Naziv ponuđača	Konačna cijena u KM (bez PDV-a)
1	„Erax-Invest“ d.o.o. Banovići	628.966,80
2	Lumberjack d.o.o. Sarajevo	630.000,00
3	„Harmeli“ d.o.o. Banovići	701.500,00

Komisija za centralizovane javne nabavke je dala preporuku da se okvirni sporazum za nabavku i isporuku energenata za zagrijavanje prostorija za LOT 1 – ugalj asortiman kocka, zaključi sa ponuđačem „Erax-Invest“ d.o.o. Banovići, ponuda broj: 078-D/25 od 16.06.2025.godine za ponuđenu cijenu od 628.966,80 KM (bez PDV-a).

Ugovorni organ nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, da je ponuda ponuđača „LD Company“ d.o.o. odbačena kao nepravilna u skladu sa članom 68. stav (4) tačka i) Zakona o javnim nabavkama, jer nije potpuna i ne ispunjava zahtjeve iz tenderske dokumentacije, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Ugovorni organ će ukoliko se ispune svi propisani uslovi Zakona o javnim nabavkama okvirni sporazum dostaviti i dodijeliti ponuđaču „Erax-Invest“ d.o.o., čija je ponuda ocijenjena kao najpovoljnija u skladu sa kriterijem za dodjelu ugovora –najniža cijena, te je odlučeno kao u članu 1. dispozitiva ove Odluke.

POUKA O PRAVNOM LIJEKU:

Protiv ove Odluke može se izjaviti žalba ugovornom organu, najkasnije u roku od 10 (deset) dana od dana prijema ove Odluke. Žalba se podnosi u pisanoj formi direktno ili preporučenom poštanskom pošiljkom i to u najmanje tri primjerka.



Za **SEKRETARA**

Zdenka Marijanović

Zdenka Marijanović, dipl. pravnik

Dostaviti:

- „Erax-Invest“ d.o.o. Banovići
- „Harmeli“ d.o.o. Banovići
- „Lumberjack“ d.o.o. Sarajevo
- „LD Company“ d.o.o.
- a/a